

安慶府志序



歲在壬子率土乂安
天子重蘭臺搜討令海
內郡邑輯志以獻甚

盛典也時皖郡姚守
司志事旣攬宿彥論
次之勒成一書矣乃
以病廢乞歸却闕中

阻今劉守踵厥成復
請序於余而壽之梓
余因嘆今古不易民
而治茲在皖言皖有

不禁披圖籍而三致
意也按皖固古淮南
六舒地舊稱俗尙忠
敢而文質相劑其鍾

靈拔起如文翁公瑾
諸賢炳煌前策者代
不乏人自明季燐燹
之餘民氣未復余下

車時目擊閭閻敝劫
狀或佻達時聞其挺
而險者器訟與萑苻
踵告也夫皖爲南北

要區屹然都會茲且
屬建牙爲十連率則
今日之皖更重於昔
日之皖矣曾坐擁其

地而莫之省憂耶乃
朝夕孜孜求所以起
衰者而未有帛也於
是爲之請賑蠲甦供

億慎平反鋤稂莠復
闡彝倫六諭之旨家
說而戶曉之凡爾者
率遍爲十連計耳而

皖似首馴焉且時承
當宁右文之治則又爲
之通檄郡邑自新槐
門瞻學餽而外必月

進諸章縫考業而甲
乙之顧他郡亦多鍵
戶閭修者而皖爲最
乃無何滇閩潢氛起

王師四出皖當吳楚豫
章之衝部署軍興無
虛晷其間芻糗廩儲
皖民率勤王事罔後

焉且余又膺典兵之
勅網羅韎韐其敵愾而
前者雲集也已而援
新安恢石城定彭湖

蹶張多爭死者而皖
復最嗟乎恂愁如余
於造皖乎何有乃皖
風若此則忠敢文質

之論不信乎其有徵
哉余所謂穆然於文
翁公瑾之徽而望古
情殷耳雖然猶有說

焉憶余之珥筆蘭臺
也謬貳纂修之

命時引董狐信筆爲勵
蓋以史乘之書綜名

實而鏡得失所關爲
甚鉅耳今郡志非一
國之史乎設以十莖
六穗之詞櫛華僉質

則雖有劉延之調文
直聚訟千古耳乃觀
姚守之志叙例有經
揚扆有法核而不浮

旨而不濫衷其信筆
直可追踪董狐矣後
之蒞節至止者苟披
是書而觀之將戶口

何以繁田賦何以足
風俗何以淳形勢扼
塞何以固俾名實可
綜而得失可鏡其有

造於皖不旣多乎茲
又得劉守之踵其成
而勿墜也文獻之徵
信賴多良二千石云

峕

康熙十四年歲次乙

卯仲秋穀旦

巡撫安徽寧池太廬

鳳滁和廣等處地方
提督軍務都察院右
副都御史加三級實
支一品俸前



武英殿學士兼禮部

侍郎纂修

世祖章皇帝實錄副總裁

通政使司右通政兵

部職方清吏司郎中
員外郎內國史院編
修襄平靳輔撰



安慶府志序

皖據三吳上遊

天子旣命開府重臣建節其
地復增置外臺之長俾之
明刑弼教以弘彰瘝以樹

安慶府志

修序

一

風聲則皖固居甸宣之首
矣予不敏領觀察以來移
駐於茲又七年間嘗流覽
區域樂其山高而水清其
君子尚詩書其小人力農

而賤末竊歎宋史紀載之
誣慨然思有以易之會

上詔修通志薄海內外版籍
維新六舒風土獲重昭於
光岳渾圓之日蓋千載一

時也爰奉

督撫轉檄所司祇慎將

事而太守姚君開館城隅

延禮宿素校讐增正閱兩

月皖志以成予因得書其

簡端曰噫嘻今古典章之
賁僊豈不因乎時哉當右
文之世石渠開陽矻矻以
摛討遺聞爲事及下之州
郡報塞簡陋往往所應非

其所求至彼山林立言之
士採摭明備如盛弘之崔
實周處之流所紀輿地歲
時卓然可觀而秘府不收
則又罕裨於掌故夫必上

以此求之下卽以此應之
裁制有體豐約中度汝南
耆舊之語足入承明著作
之林若姚君是編洵可尚
也姚君具通敏之才文章

本其能事又得南邨執友
振鳳池之餘藻以助勸之
故其敘里俗也詳而雅其
述建置也麗而則其點綴
山川羅列貢賦也紛而晰